

午 31
6-222.

青主女科

產後



產後編上 共四十三症

陽曲傅 山青王手著

產後總論

凡病起於血氣之衰脾胃之虛而產後尤甚是以并溪
先生論產後必大補氣血為先雖有他症以未治之期
言盡治產之大旨若能擴充立方則治產可無過矣夫
產後憂驚勞倦氣血暴虛諸症乘虛易入如有氣母專
耗散有食母專消導熱不可用芩連寒不可用桂附寒
則血塊停滯熱則新血崩流至若中虛外感見三陽表
症之多似可汗也在產後而用麻黃則重竭其陽見三
陰裏症之多似可下也在產後而用承氣則重亡陰血
耳聾脇痛乃腎虛惡露之停休用柴胡謔語出汗乃三

產後編上 總論



弱似邪之症非同胃實厥由陽氣之衰無分寒熱非大
補不能回陽而起弱瘥因陰血之虧不論剛柔非滋榮
不能舒筋而活絡乍寒乍熱發作無專症似瘧也若以
瘧治遷延難愈言論無倫神不守舍病似邪也若以邪
治危亡可待去血過多而大便燥結肉菴蓉加於生化
非潤腸承氣之能通去汗過多而小便短澁六君子倍
加參芪必生津助液之可利加參生化湯頻服救產後
之危長生活命丹屢用甦絕穀之旨顯顯脫肛多是氣
虛下陷疝中益氣之方日噤拳攣乃此其類風如參
至化之劑產戶入風而痛甚服宜羌活養身湯
涼而不閉洗宜蠶兒黃硫散怔忡驚悸生化湯以定
志似邪恍惚安神丸助以歸脾因氣悶滿虛 王化

湯加木香爲佐因食而噯酸惡食六君子加神麩麥芽
爲良蘇木莪朮大能破血青皮枳殼最消滿脹一
氣破血之劑汗吐宣下之法止可施諸壯實豈宜用於
胎產大抵新產後先問惡露如何塊痛未除不可遽加
參朮腹中痛止補中益氣無疑至若亡陽脫汗氣虛喘
促頻服加參生化湯是從權也又如亡陰火熱血崩厥
暈速煎生化原方是救急也王太僕云治下補下治以
急緩緩則道路達而力微急則氣味厚而力重故治產
當遵丹溪而固本服法宜效大僕以頻加凡付生死之
重寄須着意於極危欲求俯仰之無虧用存心於愛物
此雖未盡產症之詳然所聞一症皆接近鄉治驗爲據
亦未必無小補云



正產

正產者有腹或痛或止腰脇酸痛或勢急而胞未破名
弄胎服八珍湯加香附自安有胞破數日而痛尙緩亦
服上藥俟之

傷產

傷產者胎未足月有所傷動或腹痛臍痛或服催生藥
太早或產母努力太過逼兒錯路不能正產故臨月必
舉動從容不可多睡飽食飲酒但覺腹中動轉卽正身
仰臥待兒轉順與其臨時費力不如先時慎重

調產

調產者產母臨月擇穩婆器用備參藥產時不可多
人喧鬧二人扶身或憑物站心煩用滾水調白蜜一匙

獨活湯更妙或飢服糜粥少許勿令飢渴有生息未順者只說有雙胎或胎衣不下勿令產母驚恐

催生

催生者因坐草太早困倦難產用八珍湯稍佐以香附乳香以助血氣胞衣早破漿血已乾亦用八珍湯

凍產

凍產者天寒血氣凝滯不能速生故衣裳宜厚產室宜煖背心下體尤要

熱產

熱產者暑月宜溫涼得宜若產室人眾熱氣蒸逼致頭痛面赤昏暈等症宜飲清水少許以解之然風雨陰涼亦當避之



橫產

橫產者兒居母腹頭上足下產時則頭向下產母若用力逼之胎轉至半而橫當令產母安然側卧令其自順穩婆以中指挾其肩勿使臍帶羈絆用催生藥努力即生

當歸 紫蘇 各三錢 長流水煎服即下

一方用好京墨磨服之即下

一方用敗筆頭一個火鍛以藕節自然汁調服之即下

下

一方用益母草六兩濃煎加童便一大杯調服即下

盤腸產

盤腸產者產則子腸先出然後生子其腸或未即收以



草麻子四十九粒研碎塗頭上腸收急急洗去遲則有害又方止用四十粒去皮研爲膏塗項中收卽拭之如腸燥以磨刀水潤之再用磁石煎湯服之須陰陽家用過有驗者

難產

難產者交骨不開不能生產也服加味芎歸湯良久卽下

小川芎一兩當歸一兩敗龜版一個婦人髮灰一握

須用生過男女者爲末水一鍾煎七分服

死產

死產者子死腹中也驗母舌青黑其胎已死先用平胃散一服酒水各一鍾煎八分投朴硝煎服卽下用童便



亦好後用補劑調理

下胞

胞衣不下用滾酒送下失笑散一劑或益母丸或生化湯送鹿角灰一錢或以產母髮入口作吐胞衣即出有氣虛不能送出者腹心脹痛單用生化湯

全當歸 一兩 川芎 三錢 白木 一錢 香附 一錢 加入參

三錢 更妙用水煎服

一方用草麻子二兩雄黃二錢研膏塗足下湧泉穴衣下急速洗去

平胃散

南蒼朮 朮 泔水 浸沙 厚樸 薑 炒 陳皮 炙草 各二錢

共為粗末或水煎或酒煎煎或時加樸硝 二錢 再煎



一二沸溫服

失笑散

五靈脂

蒲黃

俱研為細末每服三錢熱酒下

斷臍

斷臍必以綿裹咬斷為妙如遇天寒或因難產母子勞

倦宜吹大麻油紙燃徐徐燒斷以助元氣雖兒已死令

煖氣入臍多得生切勿以刀斷之

滑胎散

臨月常服數劑以便易生

當歸 三五錢

川芎 五七錢

杜仲 一二錢

熟地 三錢

枳壳 七分

山藥 二錢

水二鍾煎八分食前溫服如氣

體虛弱人加人參白朮隨宜服之如便實多滯者加

牛膝 二錢



治產秘驗良方

治橫生逆產至數日不下一服即下有未足月忽然

胎動一服即安或臨月先服一服保護無虞更能治

胎死腹中及小產傷胎無乳者一服即如原體

全當歸 川芎 各一錢五分 川貝母 去心 荆芥穗

黃芪 各八分 厚樸 薑炒 蘄艾 紅花 各一分 兔絲子 二錢

分白芍 冬月一錢二分不用 枳壳 麵炒 羌活 麵炒 甘草 五分

上十三味只用十二味不可加減安胎去紅花催生

去蘄艾用井水鍾半薑三片為引熱服渣用水一鍾

煎半鍾熱服如不好再用水一鍾煎半鍾服之即效

不用二劑

催生兔腦丸 治橫生逆產神效

臘月死腦髓一個 母丁香 一個 乳香 一錢另研

麝香 一分 兔腦為丸 芡實大陰乾密封用時以溫酒

送下一丸

奪命丹

臨產未產時目反口噤面黑唇青口中吐沫命在須

臬若臉面微紅子死母活急用蛇退 蚕故子燒灰不存

性 髮灰 一錢 乳香 五分 共為細末酒下

加味芎歸湯 治子宮不收產門不閉

人參 二錢 黃芪 一錢 當歸 二錢 升麻 八分 川芎 一錢

炙草 四分 五味子 十五粒 再不收加半夏 八分 白芍

八分 酒炒

新產治法

產後三篇上



生化湯先連進二服若胎前素弱婦人見危症熱症墮胎不可拘貼數服至病退乃止若產時勞甚血崩形脫卽加人參三四錢在內頻服無虞若氣促亦加人參加參於生化湯者血塊無滯不可以參爲補而弗用也有治產不用當歸者見偏之甚此方處置萬全必無一失世以四物湯治產地黃性寒滯血芍藥微酸無補伐傷生氣誤甚

產後用藥十誤

一因氣不舒而誤用耗氣順氣等藥反增飽悶陳皮用至五分禁枳實厚樸

二因傷氣而誤用消導反損胃氣至絕穀禁枳壳大黃蓬稜麩樸

三因身熱而誤用寒涼必致損胃增熱禁芩連梔枳
升柴

四因日內未曾服生化湯勿用參芪木以致塊痛不
消

五毋用地黃以滯惡露

六毋用枳殼牛膝枳實以消塊

便秘毋用大黃芒硝

一毋用蘇本稜蓬以行塊芍藥能伐氣不可用

九毋用山查湯以攻塊定痛而反損新血

十毋輕服濟坤丹以下胎下胞

產後危疾諸症當頻服生化湯隨症加減照依方論

產後寒熱

產後編上



凡新產後榮衛俱虛易發寒熱身痛腹痛決不可妄
投發散之劑當用生化湯爲主稍佐發散之藥產後
脾虛易於停食以致身熱世人見有身熱便以爲外
感遽然發汗速亡甚矣當於生化湯中加扶脾消食
之藥大抵產後先宜補血次補氣若偏補氣而專服
參芪非善也產後補虛用參芪芎歸白朮陳皮炙草
熱輕則用茯苓淡滲之藥其熱自除重則加乾薑或
云大熱而用薑何也曰此熱非有餘之熱乃陰虛內
生熱耳蓋乾薑能入肺分利肺氣又能入肝分引眾
藥生血然必與陰血藥同用之產後惡寒發熱腹痛
者當主惡血若腹不痛非惡血也

產後寒熱口眼歪邪此乃氣血虛甚以大補爲主左

手脉不足補血藥多於補氣藥右手脉不足補氣藥多於補血藥切不可用小續命等發散之藥胎前患傷寒疫症瘧疾墮胎等症

胎前或患傷寒疫症瘧疾熱久必致墮胎墮後愈增熱因熱消陰血而又繼產失血故也治者甚勿妄論傷寒瘧疫未除誤投梔子豉湯柴芩連柏等藥雖或往來潮熱大小便秘五苓承氣等藥斷不可用只重產輕邪大補氣血頻服生化湯如形脫氣脫加生脉散以防血暈蓋川芎味辛能散乾薑能除虛火雖有便秘煩渴等症只多服生化湯自津液生而二便通矣若熱用寒劑愈虛中氣誤甚

產後諸產治法

產後編上



血塊 第一

此症勿拘古方妄用蘇木蓬稜以輕人命其一應散血方破血藥俱禁用雖山查性緩亦能害命不可擅用惟生化湯係血塊聖藥也

生化湯原方

當歸 八錢
川芎 三錢
桃仁 十四粒去皮尖研
黑薑 五分

炙草 五分
用黃酒童便各半煎服

又益母丸鹿角灰就用生化湯送下一錢外用烘熱衣服煖和塊痛處雖大暑亦要和煖塊痛處有氣不運而暈迷厥切不可妄說惡血搶心只服生化湯為妙俗有生地牛膝行血山稜蓬木敗血山查沙糖消塊斬艾椒酒定痛反致昏暈等症切不可妄用二三四日內覺痛

